

fidei Dei misericordiam, quam nunquam in se sperantibus denegat, tota cordis intentione praestolando. Mirantur si quidem omnes quod tanto, tam longo dolore attritus supervixerim, existimantes hoc ex divinæ pietatis largitione meæ parvitati impertitum esse, ut cum tantum pœnitendi spatum habuerim, annos meos in amaritudine animæ meæ recogitem, et mihi provideam. In tanto etenim honore positus, absque multis [add. delictis] vivere non potui. Personam autem vestram, et personæ prosperitatem, et regni statum Domino Deo attentius commendo; et ut inter felices reges coronam gloriæ æternæ immarcescibilem obtineatis, qua possum prece divinæ pietati supplico. In omnibus vero, et inter omnia, et ante omnia, pro nobili ecclesia Beati Dionysii, quæ maxima regni et coronæ vestræ portio est, nobilitatem vestram attentius deprecor, ut eam tanquam bonus dominus et pius soveatis, et manuteneatis, et ei consilii et auxilii manum porrigitatis. Meminerit regiæ majestatis celsitudo quomodo juvenis de terra vestra existis, nobile regnum Francorum in manu Ecclesiæ dimisistis, per tot pericula et mortes Ecclesiam Orientalem visitastis; videte, pensate, ne tantum laborem amittatis. Diligite Ecclesiam Dei, pupilos et viduas defendite, et sic contra omnem potestatem, tam aeream quam mundanam, et contra æmularum insidias, quos multos habetis, Deo auxiliante, poteritis resistere. Hoc enim est meum consilium. Hanc epistolam, quia me non potestis, vobiscum semper retinete, et quod in ea scriptum est adimplere satagite;

(117) Hanc epistolam scripsit Sugerius morti proximus, accepta sancti Bernardi epistola 206, qua sanctus abbas eum animat, ut morteni intrepidus excipiat, his verbis: *Homo Dei, ne trepida*

A pro vobis enim vobis loquor. Valeat celsitudo vestra.

EPISTOLA CLXXXVII.

(117) SUGERII ABBATIS S. DIONYSII AD S. BERNARDUM.

Gratias agit de consolatione sibi in extremis agenti data, seque ipsius commendat orationibus.

Amantissimo domino et Patri venerabili, Dei gratia Clarævallis abbati BERNARDO, SUGERIUS adhuc B. Dionysii humilis minister, salutem et sinceræ dilectionis affectum.

Visitasti nos litteris vestris, visitet vos Oriens ex alto. Munuscula vestra, imo munera maxima, mapulam pretiosam, panem benedictionis vestræ, litteras consolationis, in quibus continentur verba bona, verba sancta, melle et lacte redundantia, mihi misero peccatori delegastis, et in extremis posito consolationem maximam præbuistis. Si enim angelicam faciem vestram vel semel ante decessum meum videre potuisse, ab hoc miserrimo sæculo securius exirem. Sciatis autem pro certo, quia si mille anni, aut ultra, vivere meruisse, nisi in beneplacito Dei remanere non curarem. Nec enim ex operibus justitiae, sed in sola Dei misericordia confidens, quam semper in se sperantibus exhibit, ad eum redire, tota cordis intentione desidero; unde et animam meam in sanctas manus vestras devote commendo; et ut vestris et sanctorum congregacionum vestrarum orationibus, divinam propitiationem animæ meæ concilietis, genibus vestræ sanctitatis provolutus efflagito.

exuere hominem illum qui de terra est... Quid tibi et terrenis exuviis, qui ad cælum iturus, stola gloria mox indui habes?

TESTAMENTUM SUGERII ABBATIS.

(ANNO 1157.)

(Dom FÉLIBIEN, *Histoire de l'abbaye royale de Saint-Denys en France*, Preuves, p. xcix ex authentico.)

In nomine sanctæ et individuæ Trinitatis, Patris, et Filii, et Spiritus sancti. Amen. SUGERIUS, Dei patientia, ecclesiæ Beati Dionysii humilis minister.

Cum magna multitudo dulcedinis Domini, quam abscondens timentibus se, perficit eis qui sperant in eo, me ipsum mihi larga propitiationis suæ affluentia restituere vellet, memorem me faciens iniqitatum mearum antiquarum, ut cito anticipet me misericordia ejus, post mundi hujus immundi rotabiles et impulsivos scopulos, post longam et pene euris Ecclesiæ et aliis consumptivam corporis et animæ dilapidationem, ad suffragia sanctorum, quorum servitio desudaveram, licet non sicut debueram, et fratrum nostrorum ibidem in sancta et Domino ac-

D ceptabili religione deservientium votivas confugiens orationes, in capitulo cum eis, sicut eram solitus, bona pace resedi. Cumque de eis et in eis post Dominum confidens, tanquam ægrotus fideli medico sollicitudinem mearum languores replicare, annos meos in amaritudine animæ meæ reponens, deplangere et abhorrire introrsum cœpi: meam circa divinorum beneficiorum largitatem, longam ingratitudinem repræsentans mihi, quomodo valida Domini manus me pauperem de stercore erexit, quomodo et ante honorem hunc cum principibus Ecclesiæ et regni consedere fecerit, qualiter me immeritum et absentem pace omnium in hac sancta sede sublimaverit; qua munificentia dominorum no-

strorum apostolicorum, dominorum regum, principum et populorum, sotiris æmularum insidiis, benivolentiam nobis conciliaverit, in omnibus omnino tam spiritualibus quam temporalibus prosperatus fuerit. Et dum tantis debitibus obnoxius astrin-
gor, de retributione timidus clamans commoveor: *Quid retribuam Domino pro omnibus quæ retribuit mihi?* (Psal. cxv, 3.) Unde tactus dolore cordis intrinsecus, parans fugam, ad verum vitæ protetorem toto mentis et cordis affectu, fratrum nostrorum, et omnium et singulorum genibus provocatus, in ea qua Christus nos dilexit charitate ad uniendum nos sanguinem suum fundens, ut opem ferat suppliciter efflagito. Pro quorum certe quiete laboribus inpræsentiarum me expono, ad parandam quantulamcunque quietis futuræ portiunculam tremens et devotus reclamo. Et quoniam qui cum Domino ambulant, non possunt esse expertes charitatis (ardet enim cor eorum de Jesu dum loquitur eis in via), subito venerabilis ille, et Domino propinquus, quorum jam conversatio est in cœlis, chorus ab alto condescendens in valle mœroris mei, ut patres, et fratres, et filii, ætate, charitate, obedientia, largam manum misericordiæ porrigunt; et quæ vivo, quæ defuncto suffragia præparent, et voce et scripto determinant. Votive siquidem nobis lege inconvolsa veritatis, quæ Christus est, et præsentis chartæ memoriali confirmatione sancientes, toto tempore vitæ meæ, omni die missam de Spiritu sancto celebrari, ut Spiritus sanctus Paracletus, qui est remissio omnium peccatorum, nobis peccata remittat, consolationem tribuat, rorem misericordiæ infundat. Cujus sancti sacrificii continuatio omni die in capitulo, cum a prioribus sacerdotum incopta et reincerta per juniores ejusdem ordinis perrexerit indeficienter, ad priores redibit. Et hoc quid quandiu Domini misericordia supervixerero. Cum autem miserrimum hujus vitæ hominem exuero, per omnia curricula omnium annorum et temporum, pro remedio animæ meæ, et fratrum et benefactorum ecclesiæ, eo quo diximus ordine, missam sancti Spiritus, *Requiem aeternam* pronuntiantes et decantantes, divinam nobis tali perseverantia salutaris hostiæ reconciliabunt propitiacionem. Anniversarium siquidem exsequiarum mearum diem, diem terroris, calamitatis et misericordiæ, omni anno tali ac tanto in operibus misericordiæ revelabunt suffragio. In conventu plenum persolvent officium quotquot in sacerdotali ordine fuerint, eadem die Domino Deo sacrificium pro nobis misericorditer offerentes. Reliqui vero fratres in psalmorum oblatione nobis apud Dominum subvenient. Qui vero eos nescierint, ea qua poterunt nobis oblatione misericorditer succurrant. Eget enim parvitas nostra et magno et parvo. Et quoniam tanquam charissimi et dulcissimi fratres, quæcumque ab eis bona exegi fideliter repromiserunt, hoc etiam a toto capitulo obtinuimus ut de capicio capiciarius frater, quicunque sit ille, refe-

A ctionem fratibus in refectorio ipsa die anniversarii nostri accurate persolvendo procuret, duas videlicet omnibus communes, non qualescunque, sed plenarias et aptas exhibendo pitantias. Frater etiam cellararius generalem suum more solito proponat. Pigmentum habeant fratres de camera et cellario. Rogamus autem suppliciter ne frater ille, sive nos viderit, sive minime, expensas istas ægre ferat, cum in magna parte officii ejus multas exsolventes expensas solliciti fuerimus, videlicet in novi et magni ædificiæ ecclesiæ augmentatione, in ædificatione magnæ et charitativæ domus hospitum, in reparatione et renovatione dormitorii et refectorii, et in augmentatione obedientiæ thesauri, et in multis aliis tam ecclesiæ quam officinarum sumptuosis operibus, quas enumerare supersedimus, ne inanis gloriæ, aut alicujus arrogantiæ titulo, quo animæ meæ opus non est, imputentur. Potissimum enim hæc reponimus, ut successorum fratrum et benevolentiam et devotionem acquiramus. Verum quia eleemosynarum largitione peccata redimuntur, in hoc etiam fratres nostri charissimi mihi providentes firma sanctione constituant, ut omni anno die anniversarii mei panes duorum modiorum frumenti, quatuor modios vini, sexaginta solidata carnum, tam prior hujus ecclesiæ, quam eleemosynarius monachus, ut etiam et ipsi in hoc beneficio participant, se præsente distribui faciant, videlicet in ipsa magna domo hospitum, ut et locus et opus Domino miserante nobis cooperentur in bonum. Et dum pauperes canonici in domo Sancti Pauli, quibus etiam pro remedio animæ meæ aliquid acquisivi, et alii clerici capellani cum persolverint nobis debitum anniversarii aut in ecclesia Sancti Pauli, aut in loco sepulturæ meæ, si Dei misericordia hoc in loco eam indulserit mihi, in refectorio suo convenient, et de ea quam supra determinavimus eleemosyna modium vini et centum panes ad libram et qualitatem fratrum a priore et eleemosynario recipient. Unde vero et ubi tam frumentum quam vinum et denarios habeant, determinare curavimus, videlicet in tempore messis a Trembliaci frumentum. Eam enim ibidem multum amplificavimus, et in ædificio exterioris curiæ et horreorum, et aliis quibuscumque modis. Item in tempore vindemiæ a Ruoilo quinque modios vini de ea quam fecimus apud Lovecenæ nova acquisitione. Acquisivimus enim ibi ferme sexaginta modios vini omni anno: denarios vero de Francorum-villa xx solidos. Item de marsupio cambiatoris et thelonearii xl solidos, pro ea recompensatione quod nos retraximus de manu Urselli Judæi de Montemorenziaco x solidos, quos arripiebat omni hebdomada in eodem marsupio occasione vadimonii. Expendimus enim tria millia solidorum pro retractione horum denariorum, et illius villæ quæ dicitur Moliignum, quæ ab eodem Judæo tenebatur vadimonio. Rogavimus etiam fratres nostros ut eadem die ea quæ divina munificentia in tempore administratio-

nis nostræ eidem ecclesiæ contulit, sive palliorum, sive auri aut argenti ornamenta exponat, aut in missa, aut sicut eis placuerit. Et ut fratrum devo-
tio saeculis orationibus esurienti animæ meæ miser-
rimæ accumuletur, et successorum abbatum instantia circa cultum Ecclesiæ Dei animetur. Et quoniam omnia membra capiti suo debent coope-
rari, in omnibus cellis ubique terrarum anniversa-
rium nostrum secundum locorum quantitatem et possibiliter fieri petivimus. Videlicet apud Ar-
gentoilum, quem locum per multa tempora trecento-
rum fere annorum ab ecclesiæ ista alienatum, et monacharum extraordinaria levitate pene prostra-
tum, labore nostro, præsidente et privilegio fir-
mante summo pontifice Honorio bonæ memoriæ,
regnante et concedente inclito rege Ludovico, re-
stitui elaboravimus, ubi fratres eadem die de Sar-
toris-villa x solidos refectorio habeant, et hac ea-
dem panes unius modii frumenti, et duos modios
vini, tam pro remedio animæ meæ, quam pro sa-
lute fratrum nostrorum tam vivorum quam defun-
ctorum, pauperibus erogare irrefragabiliter omni
anno non desistant. Omni vero secunda feria et
tertia missam pro me et pro aliis defunctis celebra-
bunt. In strata vero, ubi Dominus noster post Do-
minum ter beatus Dionysius toto trecentorum an-
norum tempore quievit; ubi etiam tam pro extol-
lenda sanctorum Dei laude, quam pro multis, quas
ibidem per decennium commoratus juvenis ætate et
moribus commisi, offensis, duodecim monachos C
cum tredecimo priore, ad serviendum Deo et san-
ctis martyribus, regulariter inhabitare decrevimus.
Quorum etiam refectorio apposuimus villam Mo-
lignum, quam de manu Urselli Judæi, ut supra
dicimus, retraxeramus: et jugem apud Dominum
orationem, et anniversarium nostrum, et missam
pro defunctis omni hebdomada feria quarta devote
postulando impetravimus. Corboilo vero, apud san-
ctam Dei Genitricem Mariam, quem locum sacra-
tissimum et ædificare et amplificare incipientes,
si Dominus nobis dederit vitam, perficere firmis-
sime proposuimus, similiter et anniversarium no-
strum et missam pro defunctis in hebdomada feria
quinta devote expostulavimus. Ea autem, quam nos
in episcopatu Metensi acquisivimus, cella, in ea D
quæ celebrata est Maguntiæ curia, similiter et
jugem orationem, et anniversarium nostrum, et
missam pro defunctis feria sexta devote expetivi-
mus. Item et ad apud Sanctum Alexandrum venerabili
loco Lebrahæ missam pro defunctis feria septima,
anniversarium nostrum, et divinas pro nobis aures
sollicitare imploravimus. Nec minus in omnibus
beati Dionysii cellis, tam propinquis quam remo-
tis, anniversarium nostrum, orationumque instantiam,
missam pro defunctis semel in hebdomada
rogantes, obnixe impetravimus. Et quoniam fratres
nostræ charissimi suppliciter a nobis rogati libenter
petitionibus nostris, scientes nos magno indigere
auxilio, acquieverunt, pulsamus eos prece, pulsa-

A mus et paternitatis præcepto, et in ea, qua Christus
in ara crucis Deo Patri se obtulit, obedientia adju-
rantes obtestamur, ne deinceps per omnia tempo-
rum curricula, successivis fratrum succendentium
temporibus, ab hoc quod nobis firmaverunt suffra-
gio desistant, promissum reddant, votum persol-
vant, sicut responsuri in extremo districti judicij
die, cum nos invicem viderimus in eo qui nos et
actus nostros per omnia videt, qui nos ipsos sibi vi-
vere dignet per omnia sæcula sæculorum. Amen.

Actum apud Sanctum Dionysium in communi ca-
pitulo xv Kalend. Julii, anno incarnati Verbi 1137,
indict. xv, epacta xxvi, concurrente iv, luna xxiv,
anno vero administrationis nostræ xvi

- Signum domini Hervei prioris.
- S. Teuvini subprioris.
- S. Bernardi præcentoris.
- S. Willelmi chartographi.
- S. Stephani thesaurarii.
- S. Gaufridi capiciarii.
- S. Johannis infirmarii.
- S. Henrici cellarii.
- S. Alberti quondam abbatis.
- S. Vincentii quondam abbatis.
- S. Christiani sacerdotis.
- S. Rodulfi sacerdotis.
- S. Adæ sacerdotis.
- S. Wildrici sacerdotis.
- S. Philippi sacerdotis.
- S. Roberti sacerdotis.
- S. Petri sacerdotis.
- S. Willelmi sacerdotis.
- S. Joannis diaconi.
- S. Girardi diaconi.
- S. Hugonis diaconi.
- S. Arnulphi diaconi.
- S. Theobaldi diaconi.
- S. Ricardi diaconi.
- S. Salomonis diaconi.
- S. Willelmi diaconi,
- S. Girardi diaconi.
- S. Rainerii diaconi.
- S. Willelmi subdiaconi.
- S. Hugonis subdiaconi.
- S. Rodulphi subdiaconi.
- S. Araldi subdiaconi.
- S. Huberti subdiaconi.
- S. Eustachii subdiaconi
- S. Wineberti subdiaconi.
- S. Gilberti subdiaconi.
- S. Radulphi subdiaconi.
- S. Petri subdiaconi.
- S. Hemelini pueri.
- S. Ernaldi pueri.
- S. Warnerii pueri.
- S. Ilberti pueri.
- S. Philippi pueri.
- S. Petri pueri.
- S. Cononis pueri.

- S. Bernerii pueri.
S. Widonis pueri.
S. Amblardi pueri.
S. Gosleni Suessionis episcopi.
S. Gausfredi Carnotensis episcopi.
S. Hugonis Turonensis archiepiscopi.

(118) Ce testament et quelques autres semblables semblent prouver que les canons qui ôtent aux abbés réguliers le pouvoir de tester, n'ont pas toujours été également observés dans tous les temps, et que la discipline a varié à cet égard. On peut dire cependant que ces sortes de testaments ne doivent être regardés que comme une confirmation de la première disposition que les abbés avaient faite de leurs biens, lorsqu'ils en étaient encore les maîtres. De plus, si l'on y prend garde, on remarquera dans la plupart de ces testaments que les

- A S. Samsonis Remorum archiepiscopi.
S. Milonis Morinorum episcopi.
S. Guarini Ambianensis episcopi.
S. Odonis Belvacensis episcopi.
S. Rotberti abbatis Corbeiae (118).

abbés qui les ont faits, n'en ont usé ainsi que pour demander des prières à leurs religieux, ou pour faire distribuer quelques aumônes à des églises de leur dépendance, ou enfin pour affirmer certaines pratiques qu'ils avaient établies pendant leur vie : à quoi ils ne doutaient pas que leurs disciples ne se rendissent, en voyant la dernière volonté de leur abbé exprimée dans un acte authentique, souvent approuvé par des évêques et par d'autres personnes de la première distinction.

SUGERII ABBATIS

CONSTITUTIONES.

(DUCHESNE *Rerum Franc. scriptores*, IV, 546.)

I.

De commemoratione beatæ Mariæ apud S. Dionysium singulis septimanis, Sabbato scilicet et v feria, et de refectione fratrum eisdem diebus.

In nomine Patris, et Filii, et Spiritus sancti, amen, ego SUGERIUS Dei gratia ecclesiæ beatorum martyrum Dionysii, Rustici et Eleutherii, humilis minister.

Quia larga Dei omnipotentis propitiatione, contra spem meriti morum et generis, parvitatem nostram etiam absentem, et in curia Romana negotiantem, ad sanctæ hujus Ecclesiæ administrationem accessisse, divinamque potentiam me de manibus inimicorum quærentium animam meam, in hac eadem sancta ecclesia laudabiliter ac mirabiliter liberatum eripuisse veraciter constat, decet, et omnino expedit pusillitati nostræ, toto mentis affectu eam commendare et exaltare, fratresque nostro Domino Deo famulantes honorare et fovere, ut et divini cultus exhibitione in præsentiarum divino aspectui placere valeamus, et in futuro aliquam divinæ retributionis portiunculam in æternæ felicitatis gremio obtineamus. Unde ad honorem Dei omnipotentis, et beatæ Dei Genitricis semperque virginis Mariæ, in capitulo nostro generaliter residentes, ipsius sanctæ Dei Genitricis memoriam continuare, attollere, decorare constituimus, eo videlicet tenore, ut deinceps æternaliter secundum quod in catalogo hujus institutionis intitulatum est, omni die Sabbati solemniter celebretur, quemadmodum in octavis Pentecostes tribus extremis diebus, præter quod septem psalmos, cum lætania et vigiliis mortuorum, dimitti prohibemus. Quia enim ipsam sacrosanctam Dei

B Genitricem, angelorum et hominum reginam, sæculi præsentis devocatione, et miseræ vitæ hujus brevitate servire non sufficimus, fratres nostros qua possimus prece et gratia ad ejusdem sanctissimum et Deo dignissimum cultum incitamus, postrisque nostris tam prece quam privilegii astipulatione, ipsum sanctissimum et jucundum Deo famulatum in perpetuum continuamus. Gloriosissimi præterea et dulcissimi patroni nostri sanctissimi Dionysii, sociorumque ejus, quorum mirabili et ineffabili beneficio educati, docti, et adjuti sumus, hujus sanctissimæ Dei Genitricis memoriam eodem ordine et eadem paritate in v feria secundamus. Incessanter enim tam sancto et apostolico domino nostro in vita et post mortem, saltem hoc modo famulari operæ pretium duximus : ut tantorum ejus memores beneficiorum, primum et propitium suffragatorem in extremo et terribili judicii die apud districtum Judicem attingamus : et quemadmodum ejus præsentibus, ita et futuris participantes beneficiis, saltem aliquam beatitudinis æternæ extremitatem secus pedes domini ac magistri nostri feliciter obtineamus. Et quoniam fratres nostri tanquam charissimi filii mandatis nostris obedientes, tam se quam successores suos huic servitio deoverunt, eisque successoribus suis per omnium successionem temporum omni hebdomada, in ipsis celeberrimis memoriarum sanctorum diebus, sive eas faciant, sive convenienter occasione alicujus præcipue solemnitatis Vigiliarum aut Quadragesimæ mutent, quotidianum sex solidorum generali iv solidi, ut decem fiant, ad refectionem augmentamus, et augmentatum per Deum omnipotentem, et di-